



Ngoenzhaenx singhgizhaj gyang-haet, dou daengx ranz vunz cungj bae ndaw youwzyenz lansai gou doeg, yawj gyoengq lwgnyez diuqfoux biujyienj angqhoh roek it. Geij bi mbouj ndaej yawj lwgnyez biujyienj lo, swlgeij hix roxnyinh sim’angq raixcaix.

Dou bae daengz ndaw youwzyenz, gyoengq lwgnyez caengz cangndang ndei, lij youq gwnz laeuz, dou ra daengq naengh ndei caj. Yaep ndeu, gyoengq lwgnyez baenz bang baenz bang roengzdaeuj lo. Ha ha, gyoengq lwgnyez iq daenj gij buhvaq gyaundeih lai lo, lij miz giz mbouj doxdoengz dem: Miz saekhoengz、saekheu、saek-henj、saek maeq、saekgim、saek-aeuj…… Yawj ndaej lwgda va caez, bouxboux daenj buhvaq cungj mbouj doxdoengz, hoeng cungj lengjltlwt. Bouxboux gwnz naj cungj miz song benq hoengzfefe, dahsau iq bouxboux gwnz gyaueuj cungj cug duj va-gyaj, gij saek va’gyaj caeuq gwnz ndang buhvaq doxdoengz.

Gij lwgnyez iq ndaej song sam bi, lauxsae youq baihnaj, gyoengqde boux gaem boux buh baihlaeng baizdoih byaij gvaqdaeuj, caen lumj gaeqmeh daiq gaeqlwg cet. Miz saek boux lwgnyez doq byaij doq aj bak daejnganga, caemhcai q miz lwg iq ndeu lij aeu lauxsae umj, ndaej umj hix daej mbouj dingz. Gyoengq lwgnyez lai hung di, gak boux gag dawz aen daengq iq ndeu ra dieg naengh ndei, mbouj miz saek boux daej.

Biujyienj hainduj lo, dwg bang

lwgnyez daenj buhvaq saekaeuj hwnj daiz, gyoengqde diuqfoux song vunz, ietfwngz gaem gen ndeigyaez dangq-maz. Gaenlaeng daengz bang daeglwg iq foux goengfou. Gyoengqde daenj gij buhvaq saekgim, bouxboux gaem diuz faexgyaengh iq ndeu, gyang hwet cug diuz sai hoengz, yienznaeuz fwngz oiq ga dinj, hoeng gyoengqde foux ndaej gig haeujsim.

Gou raen diuq ndaej ceiq ndeiyawj dwg bang dahsau iq diuq 《Yiengh Cunghgoz》. Gyoengqde gwnz ndang daenj buhhenj mbouj miz gen, laj ndang daenj vunjhenj, gwnz gyaueuj cug song duj va’gyaj saekhenj, bouxboux baihnaj gwnz daengq cuengq miz aen gyong henj ndeu. Riengz gij yinhyoz, gyoengqde yaep ndeu bekfwngz, yaep ndeu roq gyong, yaep ndeu diuq hwnjdaeuj, yaep ndeu cienq ndang…… Gwnz naj daekeiq fwngfwng, diuq ndaej gig saenzheiq gig mizyinx. Gou yied yawj yied sim-angq, maqmuengh swlgeij hix miz dahsau iq baenzneix ndwn youq gwnz daiz angqyangz diuqfoux.

Cei q ndeiriu couhdwg bang lwgnyez iq daenj buhvaq saekheu, gyoengqde ai q ndaej song sam bi baedauq. Gyoengqde ngamq hwnj daiz bae ndwn, dou youq laj daiz couh nyaenx mbouj ndaej riu hwnjdaeuj lo. Bang lwgnyez ndawde, baiz ceiq baihnaj miz dah iq bizbwdbwd gwq daejngaungau. Caemhcai q lij miz dah iq i qetet ndeu, gag de gwnz gyaueuj mbouj cug miz va’gyaj, aenvih de daeq aen gyaueuj ndoq, baenzneix cij

ndaej youq gwnz aek cug duj va’gyaj he. Yawjraen gij yiengh songde dou cungj riu lo.

Hainduj diuqfoux lo, bouxboux cungj diuq hwnjdaeuj, cij raen dah i qetet haenx muenghmuengh bouxwnq hix gaen vadvad fwngz, ai q de mbouj geiq ndaej gij dungcoz lo. Dahsau iq bizbwdbwd haenx lij naengh gwnz-namh daej mbouj dingz, sing youh hung dem. Doeklaeng de gag daej mbwq le, gingqyienz ninz youq gwnz-namh laebdaeb daejfwtfwt! Seizneix miz boux lauxsae vaiqvet byaij hwnj daiz bae, umj de roengzdaeuj. Dou youq laj daiz cungj riuha ha hwnjdaeuj, gyoengq lwgnyez cingq diuqfoux, hix dingz roengzdaeuj muengh lauxsae umj de. Cai q yawjyawj dah i qetet haenx, de lumjbaenz gig simdingh, caenh diuq faenh de, gyoengq doengzdoih daej hix ndei dingz hix ndei, cungj mbouj ngaih daengz de. Raen gyoengq lwgnyez baenzneix caen

dwg ndeiriu lai lo.

Ngoenzhaenx ndit haenq ndit manh, caengz yawj sat gyoengq lwgnyez biujyienj, gou hoz youh hat caemhcai q dungx youh iek, raen miz di dwgrengz. Caen boiqfug bang lwgnyez neix baenzlawz dingj ndaej baenz nanz. Yawj lansai gou caeuq doengzdoih de diuqfoux sat, gou couh coux de daengz laj yiemh, bang de uet hanh gwnz naj, bwnq de gwn raemx. Riengzdwk soengq aen dangauh iq ndeu hawj de, hoh de roek it angqyangz. De doq gangj “gyo’mbai q daxgux” doq hai okdaeuj, gwn ndaej vanswdswd. Gou sing unq cam de: “Ndei gwn lwi?” De hamz gai q dan-gauh iq he riu naeuz: “Ndei gwn lai lo!” Raen de gwn ndaej baenzneix hom riunyumj ndaej baenzneix maez, gou roxnyinh deng dak ndit baenzlai nanz hix dij lo.

Ngoenzneix gou hix suenq ndaej gvaq roek it lo, sim’angq dangqmaz.



Fwen Danq Aencingz Bohmeh

□ Lij Soujhan / 李守汉

Gienq raeuz coenz daihngaih,
Lwnh dauhleix daeuj caeuq,
Niemh bohme h seng raeuz,
Yaek aeu bauq aencingz.

Gienq raeuz coenz daihsam,
Meh bak gamz mbouj cuengq,
Daengq raeuz gyoengq beixnuengx,
Muengh raeuz aeu roxsoq.

Gienq raeuz coenz daihseiq,
Raeuz aeu geiq daengz dai,
Bohme h dwgrengz lai,
Raeuz wnggai hauqgingq.

Gienq raeuz coenz daihhaj,
Lwnh mbanj laj mbanj gwnz,
Miz meh cij miz mwngz,

Gaej lumz cingz lumz ngeih.

Gienq raeuz coenz daihroek,
Daj goek gangj roengzdaeuj,
Bohme h seng miz raeuz,
De laux aeu hauqgingq.

Gienq raeuz coenz daihcaet,
Cawj byaek hawj raeuz gwn,
Ndae j ninz daengz gyanghwnz,
Nyi lwg daej hwnq caz.

Gienq raeuz coenz daihbet,
Ciengx raeuz get geijlai,
Bohme h laux yaek dai,
Ganq de aeu naihsim.

Gienq raeuz coenz daihgouj,

Gou lwnh sou nuengxlinz,
Gwn raemx mbouj ndaej lumz,
Aencingz boux vat cingj.

Gienq raeuz coenz daihcib,
Bohme h gip mak gai,
Ciuhvunz dwgrengz lai,
Raeuz wnggai gingq laux.

Gvaq giuz gaej lumz dwngx,
Gwn raemx gaej lumj mboq,
Niemh bohme h sinhoj,
Aeu ciuqgoq ndaej ndei.

Bouxvunz daeuj gwnzbiengz,
Niemh aencingz bohme h,
Ngoenz doek ngoenz bienq geq,
Hawj gyoengqde vuenyungz.

Roeg hung rox bwnq meh,
Yiengz gvih cij boiz aen,
Ciengx raeuz hung ndaej baenz,
Faenh cingz mbouj rox lumz.

Dag lwg mwngz lwg gou,

Dag simdaeuz doxbeij,
Daengz seiz ciengx lwg nyaeq,
Aen simsaeh goj doengz.

Yiemh ranz diemj doi q diemj,
Diemj caeuq diemj doi q caez,
Doiq bohme h ndaej ndei,
Cog fukheiq gag daeuj.

Yiemh ranz diemj doi q diemj,
Diemjdiemj mbouj bien leiz(liz),
Daih bohme h ndaej ndei,
Cog goj meiz(miz) lwg cie p.

Bouxlawz rox bauq aen,
Cog goj lwg caemh hauq,
Daih cie p daih rox bauq,
Daengz laux ndaej vuenyungz.

Daengngoenz doek baihsae,
Mbouj geij gyae roengz gumz,
Bohme h ciengx baenz vunz,
Mbouj ndaej lumz aencingz.
(caengz sat)